

嘉  
筆  
禾  
徵  
獻  
錄

嘉禾徵獻錄卷二十五

行人司  
中書科

兵馬司  
太醫院

郡人盛楓丹山輯

男支焯校訂

顧朱

沈大德

從祖曠父曰諾

談相

子文明

俞宗大

曾祖彬叔仲幾  
子珙珙子順

沈自省

子溥

范昌

仲春龍

尤嘉

許紳

曾祖宗昇父觀  
子長齡諸子延齡

徐樞

遠祖熙父神翁  
子處

韓履祥

陳以誠

祝君實

馮其隆

顧朱字自公崇德人年十九中崇禎壬午舉人癸未  
進士授行人南臺建清餉兩浙金陵破走越依魯藩  
知事不可為幅巾歸里 國初不仕卒朱鄉薦出秀  
水知縣李向中之門向中殉難母妻流離軍中朱贖  
以歸并經紀其喪撫其孤既成立而後資之歸楚有  
石磷主人詩草

沈大德字光野崇德人從祖曦茶陵州訓導遷肥城  
教諭父曰諾字訥言嘗捐粟六百斛為邑人輸逋租  
大德萬曆戊子舉人知南靖縣邑值寇亂且被水患

民苦蕩析大德撫輯之約束胥吏不許妄生事端遷  
南京西城兵馬指揮被察歸歲歉輒議出賑以身為  
率坐是食貧猶為德於鄉不倦

談相字舜賢嘉興人少為縣小史尋棄去游京師以  
習字選供奉內閣制敕房授中書舍人凡宮中顏額  
皆令書之時嚴嵩初柄用相以諂佞得上幸每酷暑  
入直供翰墨上親為舉扇嵩曲意禮接之相欲借嵩  
為援亦傾心相結積勞加光祿少卿進正卿扈從南  
巡渡河車陷失聲求救上驚遽至御前釋弗問賜鸞

帶壓驚焉尋為史科都給事盧勛等拾遺論列相與  
中允郭希顏獨留疏請其子文明入國學故事雜流  
雖至二三品不得蔭上特許之累加至工部右侍郎  
賜一品飛魚服母喪奪情詔贈祖父如其官予祭葬  
久之請假歸不持喪亦不營葬日衣賜衣挾妓游西  
湖野獲編相所衣肩上繡一玉手云曾為上所拊且亦偶與宋朱勗事暗合渠亦未必知古有此也且  
劫制有司恣為奸利巡按御史以聞上怒又漏嵩父  
子納賄事嵩亦怒假滿北行至蘇州訛傳倭寇將至  
徘徊不發久之抵淮飲於漕運總督所歸而失足傷

左臂疏請移假上切責馳至京自意舊寵不過降秩  
及科臣糾其曠職刑部未知所坐探之嵩于世蕃世  
蕃曰上怒不解必擬死乃援毀棄制書律論斬報可  
明年冬與職方員外郎楊繼盛同赴西市相號哭稱  
寃繼盛罵曰爾與我同死稱大幸何尚作此態乃默  
然子文明革蔭嵩敗訟父寃不得理

俞宗大其先嘉興人曾祖彬任元為浙江行省檢校  
徙居上海之竹岡叔仲幾善書宗大因得楷法永樂  
中以薦授中書舍人與修太宗仁宗實錄成賜金二

十五兩彩幣二表裏衣一稱進階吏部主事累階吏部郎中以老乞休卒年九十餘子珙亦以能書入直為中書舍人正統中扈駕土木歿於王事蔭子順為國子生終南鴻臚丞

沈自省字覺非嘉興人以副榜授武英殿中書入直內廷供奉御前扇聯書籍稱上旨萬曆丁巳差賑江西目擊飢民之慘上言願捐穀一千石賑江西被災地方報可天啟壬戌運帑三十萬往山海關視師還加大理評事乞休卒於家有子曰溥字補石

范昌字廷碩嘉興人建文時由太學生授文華殿中書嘗進元宵賦嘉之御書聖主得賢臣頌以賜引疾歸里而靖難師起京師尋陷遂杜門絕意仕進邑子俞山自幼重其為人及山貴昌尚無恙書忠隱二字

贈之後人因稱為忠隱先生著古檜堂集

劉琳拊膝錄何申嘉

興人為中書舍人建文末奉使四川至硤口聞金川門不守發憤擲哭吐血不數日疽發背死焯按柳趙二志無申名而錄內兼載史仲彬事恐出偽造

仲春龍字原仁秀水人能詩與同邑尤嘉同為趙康

王客善楷書嘉靖中以太學生授文淵閣中書游公



卿間尤善李先芳莫如忠王世貞明詩評後序曰子  
觀政大理與濮人李先芳游因李識秀水仲春龍仲  
生雅尚亦在襄陽右丞間才具微短又因仲識華亭  
莫如忠云常熟錢謙益曰元美識仲生在茂秦之前  
詩評序其少作也名成之後不復齒及此序亦不入  
集中矣有九山樵子集○尤嘉字子嘉亦有西陵集  
秀水又有仲嘉字子復萬曆己酉舉人己未進士授  
昌樂知縣補建安天啟丁卯本省同考歷營繕車駕  
職方主事甲戌會試同考終山西僉事其繼父名春  
曉本生父名春暄殆春龍從子也係吳江人寄籍  
許紳字大章其先本嘉興人曾祖宗昇洪武中詔遷

富民實京師昇與在籍徙上元縣業醫遂入太醫院  
為醫士永樂丁酉扈駕之北京父觀為北通州學生  
員官本院判紳自少傳其家學弘治壬子選充醫士  
供事御藥房事世廟進藥有驗遷御醫自是屢承詔  
旨令對便殿進院判未幾拜院使尋兼右通政轉左  
胘療皇太子有功進通政使己亥皇太子冊立禮成  
再加禮部左侍郎未滿歲帶工部尚書賜賚稠疊若  
御饗金帶銀印銀磚馱及諸彩幣貂帽雜衣厩馬之  
屬不勝計壬寅十月上在西苑端妃曹氏宮寧嬪王

氏宮人楊金英楊玉香等謀逆用繩繫上喉布塞上  
口數人踞腹絞之已垂絕幸繩股緩戶外聞咯咯聲  
宮婢張金蓮奔告孝烈皇后皇后率衆入解之稍甦  
靜志居詩話王祭酒維正孝烈皇后輓  
歌仙游知跨鳳聖念為當熊蓋指此也然猶昏瞶紳  
調峻劑以進辰時下藥至未時下紫血數升遂能言  
又數劑而愈紳謂刑部尚書鄭曉曰此變起不測自  
分投藥不效先死以報恩顧乃竟得痊此廟社之靈  
也事連曹貴妃賜死其楊金英等十六人俱凌遲家  
屬殊死者十人餘發功臣家為奴紳以功進太子太

保禮部尚書封四世蔭一子長齡為官生紳素有脾疾至是轉劇每名紳令肩輿至禁門中官扶掖以進賜白金令製器以備飲食湯藥之用復御製靈符傳賜紳度不能起乃輯經驗方并疏本院官醫數員上之手救云昨御具錄藥方保薦各官情辭忠懇甚戚朕懷卿雖年老然疾者人之常有何便至於所謂宜安心調養用生胃扶真之劑兼以米汁強進目今火旺生土之令必旬日漸復勿生他疑方已救名忠愛就賜白金百兩彩緞六表裏并酒米珍饌瓜茄之類

人往視之則曰余不起矣曩西苑用藥時驚憂過甚

非藥石所能效已而果卒訃聞上悼惜諭祭九壇賜

諡恭僖一作恭襄敕營葬事明史稿著聖諭對稿載

所頒御札及進御諸方又有鍼灸書行世刻銅人像

於院中長齡官至太僕丞諸子延齡亦以醫士積資

至院使官婢十六人楊金英楊玉香蘇川藥姚淑翠

春王槐香張金蓮徐秋花張景春鄧金香

陳菊花實錄無尹翠春王槐香二人名

徐樞海鹽人其先宋濮陽太守熙遇異人授以扁鵲  
神鏡經遂以醫名世父號神翁元海鹽州醫學教授

樞少傳其術兼學詩於楊維禎會天下亂晦蹟田里  
洪武乙亥以薦為秦府良醫正出為棗強縣丞召拜  
御醫累奏奇績陞院使告歸展墓宣廟親賦詩送之  
年八十致仕有足菴集子彪亦以醫名治代王及昌  
平侯楊洪病皆起於危殆由御醫擢院判

韓履祥字採芝海鹽澉浦人能詩無工醫術洪武初  
為太醫院判神於切脈雖無疾壯夫能隔歲斷其死  
期

陳以誠嘉興風涇人今隸嘉善善詩畫尤精於醫永

樂間遜隸太醫院從中使鄭和往西洋諸國擢院判  
歸臨終辭世詩有九重每進千金劑四海曾乘萬里

船之句

見兩浙  
名賢錄

祝君實嘉興人性好學居市廛終日閉戶讀書尤工  
於醫以李東垣朱彥修為宗洪武中薦入太醫院院  
使戴元禮韓公茂咸稱之

馮其隆字景雲桐鄉人為諸生善書法嗜岐黃及諸  
子家言學宮圮邑令以其隆才任幹辦專委之落成  
其隆手書碑文筆法有唐人風致萬曆乙未應詔至

京授聖濟殿御醫侍直甚久以年老乞休歸晚歲縱  
游近地享耆壽



嘉禾徵獻錄卷二十六

錦衣衛  
中府

郡人盛楓丹山輯

男支焯校訂

陸

炳

祖塋

父松

子繹

姪緒

孫達

焯

金景輝

陸炳字文明

陸氏譜作  
字文孚

號東湖其先本平湖人祖塋

以軍籍隸錦衣衛為總旗父松襲塋職從興獻王之

國安陸選為儀衛司典仗事世廟於藩邸及入繼大

統用從龍恩擢錦衣衛副千戶累官至後府都督僉

事松妻為世廟乳母自幼携炳入宮侍左右炳沉鷲

武健長身火色行步類鶴左右皆皆上竄人望而畏  
之以松蔭入官又舉嘉靖己丑武科明史槩炳以官  
籍欲應有司試父曰吾家自有環衛可事天子何必  
走寒士路從考功門下頰首聽黜陟為乃以世職千  
戶應壬辰登進士授錦衣衛鎮撫歷本衛副千戶指  
揮僉事管象房己亥上幸承天至衛輝行宮夜火上  
急召武定侯郭勛未至侍衛倉卒無在者獨炳直宮  
門負上出火中御乘輿上解所佩金椰繡刀賜之即  
拜都指揮同知遂代陳寅掌錦衣衛事自是寵眷日  
隆擢署都督僉事又以緝捕功進都督同知方士段

朝用以金丹進御炳劾其左道且於聖躬攝生無補  
捕下法司炳驟貴同列多父行炳陽故事之徐以計  
去其易已者又能得輔臣夏言嚴嵩歡益自恣嘗捶  
殺兵馬都指揮為御史所糾詔不問已而言亦惡其  
橫因御史劾炳諸不法事擬旨逮治炳窘長跪求解  
乃已由是恨言次骨乃助嵩發言與邊帥書言論死  
嵩德之引與籌畫通賄賂咸寧侯仇鸞始因嵩得上  
寵既復與嵩相軋密奏嵩父子奸狀上浸疎嵩會鸞  
病疽炳私出金錢結其所親愛得鸞陰私盡發其不

軌狀上大怒立收鸞救印鸞憂悸死至剖棺戮屍嵩

由是復幸

見世廟識餘錄

先進左都督錄擒哈丹兒功加太

子太保以發鸞密謀加少保兼太子太傅歲給伯祿

甲寅命與嚴嵩朱希忠等同直西苑在外乘肩輿禁

中得馳騎丙辰三月賜進士恩祭宴故事內閣尚書

都御史上坐錦衣列以西上以炳故特令居二品之

末明年劾司禮中官李彬侵盜工所物料及內府銀

錢數千萬私役軍士營墳墓上怒下彬鎮撫司論斬

籍其貲銀四十餘萬金珠珍寶無算加炳太保兼少

傅掌錦衣如故三公兼三孤特於炳見之炳雄黠多  
智能迎合上意出司巡徼入贊玄修郊廟大典及諸

禱祀皆與焉又任豪惡吏為爪牙悉知民間銖兩奸

富人有小故即文致成獄沒其家產明史槩威行宮

稱官不稱號惟曰陸堂積貲數百萬王弇州國朝叢

至用以止小兒啼云積貲數百萬王弇州國朝叢

陸炳之父松執友也掌錦衣篆而松佐之錦衣帥未二

十佐器其材貌教以爰書公移之類曰錦衣錦衣帥未二

以不精刀筆炳甚德之佐卒炳後代父松理衛篆得

上心勢皎張其而佐有孽子不肖陸博縱飲有別墅  
三炳已計得其最一豐至雄麗復欲得之不  
乃陷以狎邪捕其黨與家奴使證成佐子罪而後捕  
之佐子窟甚會其母故妾也名亦在捕中既入對炳  
方與其僚列坐張刑具而脅之其子始亦固抵而母

膝行前道其子罪甚詳子恚呼其母曰兒頃刻死耳  
母忍助天為虐乎母叱之曰死即死何說指炳坐而  
顧曰而父坐此非一日作此等事亦非一而汝建  
汝不肖天也復奚言炳頰發赤趣遣之出事遂寢建  
安李默炳武舉出其門因炳援存厯冢宰工部尚書  
趙文華誣構之陷重辟欲并構炳世蕃為之解得免  
至是更與嚴氏却乃結婚徐階以為己助給事中吳  
時來主事張翀董傳策同日劾嵩嵩謂時來及翀皆  
階門下士傳策又其鄉人泣訟上前謂階主使上以  
問炳炳不敢斥言乃封進癸丑會試錄請上自裁決  
而陰囑所善貴璫營救事得寢

編修曹大章元夜放  
花砲聞於御苑上使

近侍迹之受大章賄以昏夜善無可迹報乃以屬炳炳使緹騎至大章家大章急出千金賄炳炳問緹騎近御苑有老人否緹騎言有王老者九十九矣乃揭言王老誕日放砲自娛耳上喜聞高年釋不問事定炳復以千金歸之自奉侈靡別宅十餘所皆崇麗分置其權譎類如此

姪妾其中紈綺寶玩所在充牣供帳不移而具明史驚督師廣東過杭繼娶甚嬖兩家互內飲妻歸罵鸞曰汝自誇富貴乃陸媪飾首奇麗我弗逮遠甚令我愧見侍者鸞慙借其飾令鍛工效為之咸駭愕謝不能蓋得之西域鬼市非人間所有也鸞乃令勇士劫取炳嘗早起坐室中透簾而下夾立覺有異謂曰汝何讐到此任汝所需勿害我曰無他夫人飾若干件安在此瑤池故物奉令來取幸勿靳且勿疑也出與之躡簷去寂無人聲心知鸞所使甚怖亦甚恨又置良田宅於四方若揚州南昌承天及本郡皆有莊

店聲震天下然是時上數起大獄炳頗保護無辜言  
官得罪逮杖必委曲營救所全活亦衆李默之死上  
怒猶不測朝士無敢出弔者炳獨往視含殮以千金  
為贖歸其喪又頗善事諸大臣延引文儒以取聞望  
故朝士無甚惡之者明史槩其父管蒙時力救馮南  
江為人所稱炳緣其意有凡  
下獄者必善視上以為疑呼而詰曰汝杖下從無死  
人云何曰前陛下刻衛生簡易方賜羣臣皆服之卜  
者曰真主發慮天官護佑臣即用嚴刑陛下先造  
命舉世仁壽矣上方好長生之術以為然信之嘉  
靖庚申十二月暴卒是夕飲少保楊博宅人言博與  
嚴氏合謀醜之或云嵩妄揣上意欲擁戴景邸先令



炳嘗之炳以小嫌命衛卒擒太子內侍下錦衣獄然後以聞上方引燭閱此疏駭曰得無驚小主乎炳好

大膽急令中使詰之炳無以對驚悸仆地遂嘔血不

止而死明史蔡三十二年二王出就婚裕邸講官用

然宵小煽動其說益長甚有撫拾裕邸校尉酒食小

過報於錦衣陸炳上之炳亦欲因此探向背疏入候

苑門外上覽而呵曰炳大計聞上猶深悼之手詔稱

膽得無驚哥兒擲之不省其矢心為國發逆盡忠追贈忠誠伯諡武惠祭葬有

加命左都督朱希孝經紀喪事官其子繹為本衛指揮僉事隆慶改元以言官劾奏籍其家

世宗實錄隆慶二年御史

張守約追論炳結納嚴世蕃竊弄威權播惡流毒時宜追戮炳屍逮治其子繹姪緒家人籍其家得旨時

階已罷相高拱故與階相傾以炳與階姻家窮治將

連階會張居正百方調護而炳子繹繹姪緒時皆錦

衣衛指揮革職以其故宅賜德平伯李銘萬厯改元

復爵號仍還襲蔭以其孫遠補錦衣衛千戶

明史稿有傳

炳晚歲喪偶庶吉士東陽趙祖鵬慕炳勢以女妻之

未幾炳卒家禍甚酷女以盛年娶居貧悴甚於寒門

世廟識餘錄祖鵬癸丑進士為庶吉士時納女於炳

為繼室其年不相上下時論醜之祖鵬以炳故招權

納賄比炳死祖鵬以按察司僉事聞住家居復不能

安分而讐訟及之誣其誹謗坐大辟一云炳子甚劣

不可教延東陽人趙祖鵬為師蓋文華之族其所薦  
者纔數日趨庭拱揖如禮大喜厚贈因納其女稱肺  
腑親力為地中癸初炳自以唐相贊喬孫於西湖購  
丑進士選庶吉士初炳自以唐相贊喬孫於西湖購  
得中書舍人洪澄別墅創立祠堂規制弘敞吞吐湖  
山臺榭之盛為一時冠炳身後貲產皆沒入官獨此  
以名賢祠得不廢項鼎鉉呼坦日記大金吾陸炳乃  
於嘉禾憶昔宣公之祖姑法興曾捨地為寶花寺遂  
即遺址起大第俾長子居之俗稱寶花寺是也  
乳娘之稱實係訛傳今寶花倉蓋仍寶花寺之名云  
磨滅之餘蜀記游寶華尼寺拜宣公祠堂有碑缺壞  
監陸公齊望始作尼寺於此其後灞漉兄弟又新  
之又有賢妹字意者陸氏嘗有女子為尼云然不言  
宣公所以有祠者家譜禮賴此證誤諱灞則宣公父

也  
繹為同郡吏部尚書吳鵬壻炳弟煒

煒字文蔚號次湖弱冠以炳故推恩援父松蔭授  
試中書舍人請應順天鄉試遂中嘉靖癸卯舉人甲  
辰登進士與首輔翟鑾子汝儉汝孝汝儉師崔奇勲  
汝儉姻家焦清彭謙汪一中俱以制科大弊為刑科  
給事中王交王堯日論劾謙以校尉張嶽為之行賄  
為民汝儉汝孝奇勲清亦為民煒與一中獨留供職  
以炳故也授武選主事歷武庫員外車駕郎中尚寶  
丞進少卿轉正卿陞太僕少卿遷太常少卿提督四

夷館先炳卒焯考平湖新帶鎮南有墳廣百二十畝為陸指揮墓當是武惠之先人其子孫居墳側者率務農業頗足衣食

金景輝號養晦嘉興人正統初入貲為國子生授河南布政司照磨先是元末黃河南徙逼汴城之東北纜十餘里一有潰決則闔城皆為巨浸正統戊辰河決張秋口東北折而入海末年餘復東南入淮在事者務以隄護城隄高城愈下天順辛巳秋七月各水暴至河溢隄潰突北門以入平地水深丈餘事聞上命工部侍郎薛遠治之景輝分董其役於鄭州賈峪

山採石煉灰建閘揚州門開之以洩積潦閉之以拒  
外水因導河而南使就淮又浚舊渠之堙塞者起大  
平岡抵陳留長一萬二千四百八十丈洩水而北使  
仍入河而汴城漸無水患矣內閣呂原為文紀之天  
順癸未二月景輝考滿至京奏黃河國初在封邱後  
徙康王馬頭去城北三十里復有二支河一由沙門  
注運河一由金龍口達徐呂二洪入海正統戊辰決  
滎澤轉趨城南并流入淮舊河支河俱堙漕河因而  
淺澀景泰癸酉因水逼城命築隄四十餘里勞費過

甚尚未至決城壕為人害也至天順辛巳水暴至土  
城既決磚城隨崩公私廬舍盡沒男女溺死不可勝  
紀數十年官民資蓄漂失無遺七郡財力所築之隄  
俱委為無用之地矣皇上憫視元元遣工部右侍郎  
薛遠往治雖稍平復然人心尚懷疑懼臣惟黃河四  
瀆之宗天下之水莫大也今不循故道而并流入淮  
是為妄行為今之計在疏導之以分殺其勢若止委  
之一淮仍行隄防之策臣恐開封終為魚鱉之區矣  
不此慮者或謂疏濬之事勞費不經不知欲為長久

平治之道雖勞費不愈於累年修築哉或謂濬河不如遷城此尤其妄者城為民設水患不息民困未已城何為焉又况所費不貲乎臣愚則惟始終疏濬之是計也伏乞皇上即敕部議移文河南巡撫賈銓令所在三司先以金陵口河開濬寬濶俾水流通以接漕河仍相度舊河或令有泄水之處講求古法酌為時宜而興工開挑不必計其速成務為經久之計合用軍夫人等皆設法給以器具口糧則勞而弗怨費而弗傷何水患之不息哉章上陞都察院都事命仍



往河南同管河叅議何陞如所奏行之見英宗實錄  
水金鑑有明盛時一切官民等俱得上書言事藩  
幕金君之奏何其所見之明所慮之遠也朝廷從其  
言而行之時予天順甲申七月景輝又上言會通河  
之陞擢宜哉  
自安山北至臨清二百五十餘里僅有汶水若春月  
少雨則水脈漸微而舟行淺滯其汴梁城北陳橋舊  
有古河一道北由長垣經曹州至鉅野縣安興墓巡  
檢司地界乃出會通河合汶水通臨清每秋水溢有  
舟往來其間惟陳橋迤西一舍許水道淺隘水小之  
際不能通流請興工開浚亦可分引沁水仍置二閘

以司啟閉則徐州臨清二河均得利濟而會通河之  
水亦皆增長且長垣曹鄆諸處糧稅可免飛輓而江  
淮民舟又可由徐之浮橋達陳橋至臨清而無濟寧  
一路壅塞之患其利多矣事下工部議格不行還院  
遷南中府都事以老乞休歸

明史稿附  
見河渠志

嘉禾徵獻錄卷二十七

布政司

郡人盛楓丹山輯

男支焯校註

陳

約

父堯道  
兄綱 弟緝 緝

陳俊民

干

璠

弟玠

姚

鵬

兄鳳

吳

昂

繼母鄭  
祝萃 湯虎 茂子秩

張

振

曾祖燦

大忠

高祖濤從兄大雅  
子同吉 吉子樞 明昌

馮

孜

母張氏  
玄孫景夏

施爾志

高祖茂 祖容 父乾  
子博

勞

玠

遠祖源誠

樟

原敬

永嘉

高祖經 曾祖鈞 祖源  
父玉事 孫之辨

馮盛典

文科 兄盛世

賀南儒

先世惟一伯顏 傑  
父陞 子萬春

卷二十七

一

燦然遠祖偁祖錦 公序

萬祚嗣子侃修

陸懷玉

子祚蕃

陳約字博文嘉興魏塘人今隸嘉善父堯道博通五經元季不仕與楊維禎顧瑛輩為文酒之社有竹林集訓子各一經約其次子也與兄絅弟繹緝號陳氏四俊而絅為最絅字簡文號歸耕緝字熙文號觀白繹字思文號如醉翁皆不仕約洪武中以人材薦累官至大理左少卿出為山西右布政使著一默居士集

陳俊民一作俊字寧世嘉興人洪武中徵授山東布政

司理問永樂初擢刑部福建司員外歷本部郎中遷

河南叅政調貴州尋轉本省右布政使撫綏彝民恩

威並濟邊鄙賴之著九箴堂集彭比部集列  
稿李名士傳

干璠字廷玉本嘉興魏塘人入籍霸州中式正統辛

酉順天鄉試壬戌成進士授戶科給事中景泰壬申

出知大理府成化初再補襄陽聽斷明決人無隱情

首建府學大成殿及兩廡齋廊詳立規制劉石倣擾

兵戈叢脞璠籌畫精密民賴以安湖廣通志有傳累官至陝

西右布政使轉左時璠已耄諸子黷貨巡按御史熊  
繡欲糾之乃棄官夜遯繡追之急璠持他事許奏繡  
同逮至京繡事無左驗璠遂削籍繡亦謫知清豐陝  
民為繡訟冤闕下者數百人列卿紀熊傳中有熊繡  
再來天有眼干璠不去  
地無皮弟玘中景泰癸酉順天鄉試歷官太僕丞  
姚鵬字鳴南崇德人兄鳳字鳴岐弘治改元己酉舉  
人正德間官陽江知縣鵬弘治辛酉舉人壬戌進士  
知龍溪縣莅事明察漳州府志有傳擢營繕主事督稅蕪湖  
轉員外郎都水郎中巡視高郵河道還出知韶州府

廣寇高快馬長朱白毛者嘯聚數千餘人勢猖獗鵬  
奉上檄討之甫三日殲其渠魁餘黨悉平岑猛亂鵬  
身入其巢百計開誘且陰圖其形勢而出王守仁因  
是得以進兵一鼓滅之以功擢福建鹽運使未赴進  
山東布政使鵬勞於王事未五十而形神枯槁卒於

官

兩浙名賢  
錄有傳

吳昂字德翼號南溪海鹽人世農家昂六歲而孤繼  
母鄭苦節撫昂昂性端穎嗜書少受學於同邑朱祚  
以學莫先於主敬名其讀書處曰敬齋既聞海寧祝

萃以員外郎家居教授操履端方乃短褐芒鞋從一  
老蒼頭踵其門就河干濯足更儒衣冠以進謁者以  
告萃驚曰此非可以常人目也既見萃曰生來晚書  
舍已滿無所置生惟空旁一牛闌幸無牛生寧欲居  
乎曰唯唯萃於是益竒之昂令蒼頭掃除塗墍身亦  
解衣共作不日就舍萃持教最嚴常映戶以察羣弟  
子昂在羣弟子中最苦外被敝袍而衷一敗絮又時  
時見老蒼頭寒則解而衣之甚或周走室中洮踊以  
禦寒氣而日夜誦不輟歲暮辭歸快快有赧色萃曰



吳生去不來矣彼謂未脯不備也孰是中止而令業不成可乎乃出米二石布二疋贈之且要明年復來昂曰吾事先生禮良簡而先生為是者徒心營昂也不以此時力學如異日何除夕事已即徒步詣萃所比明祝氏宗人方賀正旦而昂已在列萃大駭曰而安得至此乎昂曰先生所以愛昂者備矣士感知己

敢廢學乎由是益奮勵弘治甲子中式鄉試乙丑舉進士祐山雜說吳南溪昂弘治辛酉鄉試文甚得意忽覺腹中飢不可忍恍忽間將試卷吞之至貢院門即不飢矣謂人曰余不知何故乃有此異余終身不第矣越三年甲子中式乙丑聯捷以此知人之

功名不但有無係命雖其遲速亦有命也知宜城縣邑有官莊其稅五倍常產昂調停其法均稅額於一邑萬民稱便調新建父老涕泣攀留建祠立石歲時祀之寧庶人橫虐新建民不堪命結寨丁家山拒之庶人誣以反昂曰百姓畏王非反也入山諭其黨皆叩頭散去縣大饑公無儲粟昂立抽補法賑活十萬餘人以勞胥左目陞南刑部廣東司主事歸家居六年起南武選員外改大理左寺正陞雲南僉事改福建有告妻殺夫者昂疑其獄禱於神夢小兒據人腹初不甚解蹤蹟之里

有名杜福子者與其夫同賈喜曰必是人也密捕福子至一鞠輒服妻得免閩人呼為神明遷淮徐兵備副使乞歸久之復拜原職數月轉福建叅政彭比部集時閩中囚逸出盡殺諸方面獨相戒無害公就遷右布政使出納清允吏莫敢為奸值雷震譙樓昂曰咎在長官位忝方伯敢不引避遂三疏乞休詔聽致仕閩人哭送之江西湖廣通志俱有傳昂天性和易歸混蹟樵漁賢愚樂其可親人或侮之亦不較一日駕舴艋入郡城會郡中兩生南行昂舟誤觸之兩生怒且覩昂貌寢布衣破帽局促

舟中意其為老農責令葺舟許至西門湯別駕家貸  
錢以償及達湯所湯曰公玄道久矣何幸至此昂具  
以告湯曰泛舟於河兩相觸即兩不能慎也偏責公  
不可昂曰兩君不勝恚幸寬至此請以白金二錢為  
油麻費湯顧二生曰此海鹽吳南溪先生也君知之  
乎於是兩生慙然汗下皇遽告退昂必欲致其金而  
去明日兩生扶服謝過昂慰遣之家居鄉曲利害每  
疏陳於朝以老壽卒於家見只編南溪方伯嘗謁一  
見門外棹楔顏曰牧愛吳故仰視之曰不佞眇能視  
者收受之義何謂也令大慙遂抹去二字以別顏改

之著周禮音釋

稿李往括  
編有傳

○祝萃字維貞成化甲辰

進士初為工部主事侍郎徐貫治河蘇松薦之自隨

深究水勢原委有功東南

見明史稿

著虛齋遺稿其卒也

昂奔赴喪次寢苦枕塊擗踊號哭如子之於父人尤

多之○湯通判者名篋字彥和秀水人成化中以鄉

貢為延平府通判蓋昂屬吏篋子秩亦以貢為漢陽

府通判父子俱有文名居官廉約子孫多食貧云

廣西

通志弘治十六年任平樂府  
通判有湯清係秀水監生

張振字孟起號植蘭海鹽人今土斷為平湖曾祖燦

字元光號松隱仕元為青陽令振起家掾吏以才調  
部掾有從龍功永樂初工部尚書吳中薦授都水主  
事歷刑部山東司郎中先後在郎署者幾三十年出  
知夔州府嘗以父母不逮祿養築堂顏曰終慕內閣  
楊榮為之記明詩綜選振貧居詩云青眼交游覺漸  
稀側身天地可相依若知白石真堪煮  
何待黃精為療飢已過禁煙無熟食不因沽酒典春  
衣蒼苔碧草侵階長高卧空齋畫掩扉周青士曰孟  
起貧居之作曲盡寡人情狀若  
有鬼椰榆子劉伯龍之側也振族孫大忠

大忠字國楨號春宇高祖濤字悅清娶盲婦相莊  
者終其身從兄大雅字心宇嘉靖甲子舉人知海門

縣所著有易卦緯論見經義考初惺類語四書行義大忠

少受業於秀水盛公周以秀水籍中嘉靖辛酉舉人

壬戌進士授刑部湖廣司主事轉江西司員外審決

淮揚遷本部河南司郎中改武選出知廬州府莅事

英敏諸屬賢否不能遁平英霍山寇歲旱疫出粟賑

饑設藥局以起羸瘠民甚德之

廬州府縣志有傳

遷陝西副

使進本省參政偕兵部尚書胡其巡邊寧夏總兵劉

儕不職當罷胡議以副總兵官疇拜屢有首功欲令

代之閱視九邊尚寶少卿兼御史周弘禴亦以為然

復命日疏薦之大忠謂呼拜本降齒持不可後承恩  
父子果叛弘禴以薦故謫典史大忠改江西按察使  
就遷本省右布政使藩邸多踰制強婚大忠為釐禁  
進雲南左布政使終養歸丁母憂服除起廣東左布  
政使入覲道卒子同吉文華殿中書有子曰樞大忠  
從祖以貲豪里中其子燮國子生四女適同邑趙伊  
嘉善薛厚華亭朱承祊楊豫孫皆登甲科燮孫明昌  
天啟丁卯舉人金華教諭

平邑張氏有東西二支方伯乃東一支也其西支明

代無顯官然族繁而富自宋時聚居至今稱為圩內張所居廳事有建自南宋者見之李太僕日華味水



軒日記世澤  
亦孔長矣

馮孜字子漸號原泉桐鄉人嘉靖甲子舉人隆慶戊辰進士少孤育於母張登第即請旌於朝授太倉知州地濱海賦重而習器且多巨豪結胥吏同意嚮孜至嚴汰諸役有犯按法不貸尤加意貧弱請託不行在事五年擢刑部員外丁祖母憂補刑部雲南司員外一日緹騎擁十九人至曰此殺人賊也故事嚴衛逮至必面訊各犯以緹騎在旁輒隱忍招伏孜察其非賊陽為疾作狀下之獄緹騎去乃出鞫之則丐者

也丐錢喪家羣飲而醉爭所丐錢毆其儕一人致斃  
乃抵毆者罪而釋其餘進本部河南司郎中恤刑江  
西著明刑錄出為河南副使分巡河北遷福建叅政  
分守福興泉寧擒嶺南流賊游天王等於廣里山陞  
貴州按察使時楊應龍跋扈致議委水西安國亨密  
圖之會川省主撫寢其說後卒致用兵刻古今將畧  
以授諸弁二年改廣西尋進江西右布政使未幾轉  
左丁母憂起補湖廣中計歸玄孫景夏

施爾志字章甫號荆塗桐鄉人高祖茂永樂初坐楊

任姻家連達充順天武清衛軍其孫容業醫為活用

赦歸子乾嘉靖中懷遠訓導懷遠志稱其溫文寬遷簡待士恩禮兼至

武進教諭終濮州學正生平慎取子辨析名義弟子

翕然向化監司檄署平陰縣事乾辭不獲稱疾歸兩

浙名錄爾志乾子也萬曆丙子舉人壬辰進士授太平

府推官有女囚當決所攜兒號愴欲絕爾志憐之請

俟兒長就法陞刑部主事出典廣西鄉試歷虞衡主

事督張秋河道擢福建副使加右叅政遷湖廣按察

使雲南右布政使轉左時黔蜀用兵滇界其中轉輸

告匱外察拾遺解任卒年八十三子博字逸修號約菴善名理尤長於易為諸生國破褐衣終身年七十餘卒

勞玘字汝明本餘姚人元末遠祖源誠官崇德州學錄因家焉玘景泰丙子舉人成化丙戌進士任戶科給事中遇事敢言不避權貴嘗以直諫忤上遂棄官歸玘從子樟淮安府志有清河訓導勞富崇德人嘉靖間任

樟字奇材正德庚午舉人為人清介不第知萬年縣勸農興學剔蠹綏良忤上官調羅田南陽盜起有

保障功地方凋敝身親會計稽賦役釐奸蠹重新學  
廟遇事必直行己志丁艱歸百姓號泣立碑頌德湖廣

通志補新淦被誣受桎梏樟曰我手豈撫錢手乎尋

得白門見聞雜紀不拘郡邑官要做得好須屏遠吏胥

百姓也亮得我過淦令勞公樟不蹈此病人號勞鐵耳祀名宦百餘年矣遷池州府通判會

吉安府同知補贛州以督木卒於道○先是正統中

嘉邑人有知羅田者曰龐敬字克誠永樂癸卯舉人  
持己廉介莅政嚴明凡壇壝祠舍皆其建置後百年  
大半燬於寇亂樟悉更新之其循績後先輝映焉

永嘉字無施號金粟玘五世從孫也玘兒子經字

守素贅於邑之安壇里經生鈇鈇生源源生王事即

永嘉父也永嘉萬厯丁酉舉人辛丑進士知蕪湖通

達庶務勤於簿書

蕪湖志稱其不諂事上官送迎幾廢歲時遣吏問民疾苦以時存恤

調繁當塗擢刑部主事挺擊事起永嘉務為調停之

說考察謫順天府教授量移國子博士復為刑部福

建司主事改本部員外厯虞衡郎中出知福州府陞

登萊分巡副使調貴州都清右叅政苗獠不靖親率

文武官吏深入拔寨三十開縣一以功遷山東按察

使賊陷新城縣人情洶洶至即檄州縣繕城隍備器械為捍禦計就進本省右布政使轉左尋推登萊巡撫不赴歸汪琬鈍翁續稿文震孟傳吏部尚書謝陞譽卿指使譽卿故震孟友也用是並疑震孟最後陞納山東布政勞永嘉賄推擢登萊巡撫衆議大譁因交章彈陞陞詹具疏自辨遂誣譽卿並及福建卒於右布政申紹方坐以憑藉輿援爭官誦缺云

家山東省志有傳有孫曰之辨

馮盛典字敘之號桂海嘉善人父科奉母孝有東臯吟五卷兄盛世字濟之福建鎮海衛訓導盛典萬曆丁酉舉人辛丑進士授刑部主事歷員外郎郎中出

知歸德府和易近民遷兩淮運使舊制運使與巡鹽御史抗禮其後權日輕體日削御史及鹽道俱勒令長跪庭參盛典頗崖岸不相下乃爭之至上聞詔特

令抗禮仍坐是左遷長蘆運同

野獲編同郡一大參以漕儲道至揚州怪

馮不執屬禮叱之出轉聞撫按彈之馮遂謫去一時駭異運長為臨法道所轄稱屬猶有說至漕儲與鹽課何關而量移廉州知府政務廉平所有贖鍰除積苛責乃爾

穀外盡捐以修城池濟士民之窮乏者累乞歸士民

赴省籲留乃止遷本省副使五年轉山東按察使進

河南左布政使致仕

廉州民立祠祀之見廣東通志



賀南儒字懷珍先世有名惟一者本山東寧陽人其子曰伯顏元末拜輕車都尉封襄靖侯為鎮守嘉興管軍萬戶因家焉長子傑襲爵洪武初失職數傳至南儒父陞由邵武府知事遷廣昌縣丞南儒嘉靖乙卯舉人隆慶辛未進士知閩縣以徭役不均別銀力為二等富者出錢貧者任力聽其自擇民大稱便卒於官子萬春鴻臚序班從子燦然萬祚

燦然字伯閣號道醒傑弟雋之後也雋五世孫錦字簡菴以貧豪里中而負才能詩邑富人蔡其子亦

好詩錦嘲之蔡恚甚囑邑令困以重役錦擊登聞鼓  
訟寃得申然家因是破以掾滿考為鄱陽巡檢寧庶  
人之變錦已病令子憲從軍有功不得敘憲即燦然  
祖也燦然少負雋才與馮夢禎周從龍諸人共噪文  
壇小試輒冠其曹夢禎輩相繼登科第燦然獨久困  
場屋湧幢小品燦然與夢禎同生嘉靖戊申而長一  
日自少為文字交夢禎早達燦然久滯諸生雅  
以矜莊自律夢禎善譁時時故以譁語挑之燦然輒怒愈怒而譁愈甚萬曆甲午以選  
貢中順天鄉試時年已四十七矣乙未成進士授行  
人擢文選主事野獲編往時銓屬俱由太宰自擇張  
新建為政始令各省大僚舉其鄉人

以分太宰權於是鄉先達多以愛憎行其意一缺出  
至薦六七人甲可乙否唯望重地尊者所舉始登殿  
事辛丑浙江吏部缺出朶頤者數人嘉興賀伯閣燦  
然為諸生有盛名同一倍計者入都時朱少宰國祚  
方髫年在京願執贄而賀不受朱尋捷為鼎元循  
至仲貳是年以禮部左侍郎署部事賀始登第為行  
人向來投刺春曹例稱門下晚生而賀自以同鄉前  
輩不肯導舊禮朱頗有後言賀聞作長書詈之賀至  
是憂朱厄之同里有鬻孫姓者游二公門說朱收賀  
以解其隙遂力薦之朱方有相望同鄉亦隨聲推許  
而賀立轉稽勲員外壬寅乞假歸乙巳召補原官時  
改銓司轉稽勲員外壬寅乞假歸乙巳召補原官時  
當京察主察者為吏部侍郎楊時喬左都御史溫純  
力鋤政府私人疏上留中明史稿楊時喬傳三十一  
署部事苞苴不及門及大計京朝官首輔沈一貫欲  
訖其所私禪時喬方正將令兵部尚書蕭大亨主之

次輔沈鯉不可而止時喬乃與都御史溫純力劾政府私人吏部再請中旨留被

察給事中錢夢臯御史錢一鯨等時喬純求去夢臯

復論楚事請削前侍郎郭正域籍並言左都御史溫

純黨比郎中劉元珍東林列傳元珍字伯先號本孺無錫人建言歸與顧憲成講學

東主事龐時雍疏糾一貫破壞典制燦然請斥被察

科道並去純以完大典上怒謫元珍時雍而罷燦然

為民野獲編時四明在告不入閣燦然留心經濟諸生時即著危

言二十二篇救荒八則工部尚書姚思仁與為研席

交巡按河南值礦事起繪圖力諫屬燦然為疏草辭

義剴切見稱於時吳人伍袁萃著林居漫錄一書譏

燦然清平疏為茫夢臯阿一貫燦然不勝憤為著漫

錄評正以斥其說袁萃作馭漫錄評正燦然又作馭

駁漫錄評正互相攻詰凡五反覆卒不相下燦然不

能甚至恚哭嘔血死明史稿察疏不下夢臯假楚事再攻郭正域謂主察者為正域

驅除員外郎賀燦然請斥被察科道詆純挾私鬪捷

顧獨稱時喬又言陛下睿斷獨操非閣臣所能竊弄

意蓋為一貫解時喬以與純共事復請貶斥不報及

純去夢臯兆斗亦引歸帝復降旨譙讓謂祖宗朝亦

嘗留被察科道何今日揣疑君父誣詆輔臣因責諸

臣朋比令時喬策勵供職而盡斥燦然及劉元珍龐

時雍等時喬嘆曰主察者逐爭察者亦竄所著有五

矣尚可覘顏於此乎九疏引疾竟不得請

欲軒六欲軒集及書畧見經燦然歿後南給事中黃

玄益專疏劾漫錄一書不報玄益尋亦以京察落職  
漫錄給事錢夢臯以察去鍾兆斗以外轉皆蒙留用  
時部院二公畏聖諭嚴切噤無一言南北臺省亦不  
敢言於是錢鍾二人相與比周恣意反噬會楚磐劉  
正郎入京補官乃抗疏劾四明黨奸亂政而兵部龐  
主政繼之臺省亦稍有及之者兩人始求去畢竟罷  
大中丞以當之最可哂者其賀吏部燦然一疏乎既  
請去被察之臺省以清仕路又請去主察之臺長以  
伸主權何其悖也方自謂清平之論而識者已知其  
芘同鄉之給事附當國之相公矣賀雅負時望而一  
旦敗露人品貴真哉評正云人臣立朝激亢博而  
者曾何補於國事不佞備員銓屬時如選郎之轉京  
堂大行之補臺省最不易得旨者題奏輒下礦稅縱  
橫絲綸反汗許小臣力薄無可回天抽簪御輿而歸  
無復出山之想甲辰起補再迫簡書始以乙巳六月

望日入朝察典之格半歲矣蓋上所欲去者總憲所  
欲留者臺省不總憲去而臺省留是時可被察科臣  
聖心之疑且按部自去清平一疏明主憲以理奪臣  
進科臺臣者亦聽之去兩京察典之見主憲乃奪臣  
特旨留用者亦聽之去兩京察典之見主憲乃奪臣  
余并論去主者亦聽之去兩京察典之見主憲乃奪臣  
挾權如私與否皆不當去乎且畏聖諭嚴切禁無一  
言具在無一語又安用此脂韋保位之論國相公媿也  
百言至削籍猶私復為書以三失規之逢其怒不當  
黜而公自矜以生野獲論賀故與四明媿公善不當  
國相之高矜以生野獲論賀故與四明媿公善不當  
問斥之私濟也公野獲論賀故與四明媿公善不當  
故斥之私濟也公野獲論賀故與四明媿公善不當  
析終不能蓋其說之誣也公野獲論賀故與四明媿公善不當  
意神廟以其廉直屬之而溫公又揚宗事効姚府辨  
事文蔚并刺及後卒如賀言溫去而及楚宗事効姚府辨  
調停也賀斤而其後卒如賀言溫去而及楚宗事効姚府辨

則顯然四  
明意矣

萬祚字孝延萬曆癸卯舉人唐戊進士授南刑部  
江西司主事改儀制以父艱歸起補武選進郎中出  
為山東提學僉事遷分巡建南副使復徙廣西叅政  
分守左江時龍山土寇胡扶記為亂官兵敗績路將  
蔡文龍戰歿詔集大師征討會監軍叅政潘應龍知  
潯州府事張嵩相繼卒於師兩江震恐萬祚兼程至  
官計獲扶記散遣諸軍招降莫敬龍所部千餘人置  
之內地別部首帥黎扶三者窺萬祚撤兵復糾衆出



掠敬龍擒以獻梟之市於是搜郡中鹽羨以充餉立營要害為善後計攝分巡事鎮安土司岑繼祥與歸順土司岑大倫為讐繼祥潛通安南莫敬寬以象騎掩殺大倫劫官男州印而去當事者議伐安南萬祚言鎮安土司世受冠帶一旦甘為戎首舍此不問而問安南開釁釀禍非計也宜治鎮安以漢法而遣官詰責安南聽其服罪還官男州印以存邊方紀綱足矣督撫如其言南土獲安齎表賀登極得脾疾歸里流寇躡江西起萬祚右布政使分守嶺北至則修戰

具嚴圍保緝逋逃冒暑巡視羊角石背諸營賊聞有  
備引去疾劇告歸行至中途卒所著有大業齋集無  
子以弟子侃修為嗣侃修崇禎癸酉舉人

陸懷玉字石含平湖人萬曆乙卯舉人已未進士餘  
稿吾湖文士後先蔚起在吾黨亟稱曹遠生遠生文  
雅清自賞味其別而品獨貴余心折焉石含丰格秀  
挺不減遠生至其境會玄到尤能出驚人語挾千  
古未啟之局結千古不了之案則遠生莫之先也授  
虞衡主事督臨清磚廠歷員外進營繕虞衡郎中出  
知鎮江府歲饑巨室擁粟閉糴懷玉揚言欲封籍以  
賑飢巨室懼爭出所藏以售價遂減歷武昌副使鹽

法叅政進山東按察使福建右布政使謝病歸起陝  
西副使湖北屯田道國破不出築也園泉石擅一時  
之勝有子祚蕃

嘉禾徵獻錄卷二十八

布政司

郡人盛楓丹山輯

男支焯校訂

徐奇

沈鎰

弟鉉

倪

輔

子濯  
濯曾孫聖生秉元益元

壯猷

子鍾醇從姪鍾瑞

馬

璇

父昇

昆

王琳

韓弼

嗣子子祁

馮臯謨

曾祖璿  
兄子振宗

兄嘉謨

吳國倫

從弟松  
松從子德先從孫瑞徵

王俸

葉朝陽

胡士相

父友忠

計元勛

邱民貴

履嘉

鍾懋元

父日新

沈肩芳

唐正德

李文榮

金禮

尚綱

縉

弟縉

余田

卜相

父錡  
女適陶

王錫命

孫從龍

王建中

徐奇字仲偉崇德人洪武己卯舉人入國學永樂初  
拜御史陞交趾副使改陝西引疾歸永樂末西陲盜

熾起陝西副使轉本省叅政秦民歡欣載道在事數

年致仕

彭比部集列  
稿李名士傳

沈鑑字孟鈞嘉興人洪武末以貢入國學久之授北  
平僉事靖難初改山西調福建左遷閩縣典史勤慎  
愛民不以謫官自貴宣德初復遷福建僉事歷山東  
叅議福建右叅政卒鑑弟鉉深於春秋能詩與同邑  
陳世昌齊名洪武中以明經徵授石首知縣

倪輔字良弼號橙菴平湖人天順己卯舉人甲申進  
士授稽勲主事成化戊子進員外署本司郎中尋即

真以清正聞

吏部志有傳

奉使封秦楚二藩丁父憂服闋

改精膳擢湖廣左叅政結峒徭以恩行部至景陵疾

作而卒民哀之如失父母

湖廣通志有傳

輔性警敏善談論

著類劇存稿獻笑存稿次子濯嘉靖中官上高訓導

濯曾孫聖生烏程訓導青田教諭杭州府教授秉元

崇禎庚午舉人篇元

順治丙戌舉人己丑進士蕪水知縣

壯猷字允元號華芳輔族孫隆慶庚午舉人乞恩

宜興教諭知江浦縣時裁汰驛傳邑有東菴驛亦在

汰中往來乘傳者役及民夫壯猷請復之開新河以

避江水往來稱便

江浦志有傳

丁憂補建寧陞南刑部山

西司主事擢本部陝西司郎中貴州僉事紅苗反上  
勦撫機宜築思南鎮遠諸城添設羊頭印江兩營守  
備兵尋擒苗首石阿四等上救銅八議又請改楚屬  
酉陽四司隸黔報可遷雲南兵備參議黔國莊田私  
徵為害請下郡縣代徵著為令置養馬指揮秦乙清  
於法歸年八十四卒子鍾醇武昌衛經歷從姪鍾瑞  
萬曆戊午舉人年九十五卒

馬璇一作

字季明平湖人父昇靖難兵起隱居不出



自號溪南老隱有溪南集兼葭詩稿璇少時神韻雋  
遠薛瑄見而賞之年十八中景泰癸酉舉人天順甲  
申進士授行人歷使晉周楚蜀諸藩出封琉球國擢  
南河南道御史巡視京畿行部所至以清直名南京都察院志  
有傳出知府兄子昆

昆一作崑

字克昌成化戊子舉人乙未進士知永新

縣梅花峒猺黑脚龍等入境肆掠昆擒之入為南河  
南道御史尋改南山東道出按兩淮鹽課酌其贏羨  
以賑饑河溢請以餘鹽易價充築隄之費改北貴州

道遷雲南副使進本省叅政卒於官

兩浙名賢錄  
有傳璇附見

王琳字廷佩嘉善人成化辛卯舉人辛丑進士授南  
刑科給事中改北兵科陞福建右叅議招撫永安頑  
民八百餘戶終貴州叅政

韓弼字汝良其先自餘姚遷平湖嘉靖癸卯舉人丁  
未進士知豐城縣入為刑部主事歷員外郎郎中出  
知南昌府袁州散卒千餘人懷異圖詭稱投充入伍  
弼力排異議却之萍鄉流賊萬餘剽掠近境夜銜枚  
躡之遂就擒遷本省提學副使轉叅政論罷歸嗣子

子祁字心堯以選貢入國學中萬曆丙子順天鄉試  
為德安府推官再補贛州稍遷蘇州府通判終道州  
知州

馮臯謨字禹卿號豐陽海鹽人曾祖璿武德衛經歷  
有軍功請以其俸即家支給以養父母特許更給父  
母半俸亦曠典也臯謨嘉靖己酉舉人庚戌進士授  
刑部主事恤刑江西秩滿陞江西僉事嚴嵩舍人橫  
行里中捕得笞之浙江倭事起調狼土兵會勦所過  
抄掠臯謨攝九江道令民列市如故而戶置清水一

甌時盛夏兵道渴得水歡然共飲一無所犯而去改  
廣東左叅議分守惠潮時山賊張璉據饒平西連大  
埔蕭雪峯程鄉林朝曦號為三王流劫閩廣殺前守  
臣外與倭合海濱逋寇並起為盜璉等又倚為犄角  
嵩意欲困臯謨致之死至官總督莆田鄭綱懼不  
知所出而守道又不得主兵事束手無計會朝議以  
進賢張臯代綱臯謨乃迎謂臯曰璉等與倭若寇合  
則兵不易戢宜先赦海寇使同力逐倭倭遁然後會  
兵大征一舉而璉等可擒也張然其言亟疏移臯謨

按察副使分巡惠潮盡以兵屬之於是海寇林道乾許朝光王伯宣等皆降伯宣南洋人機智雄海上呼吸可召千人道乾朝光皆畏之倭與官兵相持於三河日久臯謨間道馳蠟書招伯宣立功伯宣得書欣然就募臯謨降階慰勞令將精兵隨所至招海上賊以益之至三河以輕艘百艇散泊水次夜令勇士先布鐵烏菱於倭去路伯宣親帥死士百人從山後登頂吹蘆發哨倭驚不知官軍多少倉皇逃竄盡觸烏菱扶傷而戰自辰至午死者大半倭潰入舟則前散

泊諸舟合擊之殲焉三河圍解明年復集水陸師十萬於廣州分為五哨合所調和平詔安二營為七哨臯謨居烏槎哨制之師渡程鄉山行食盡單騎走村落諭父老使給軍食村民負擔來餉移時得米數百石羊豕百頭頒之軍士歡騰山谷已轉餉者至賊夾水發火箭先燭天臯謨使一人偽為總兵官駕小舟已坐其中持黃紙鳴饒伐鼓向賊呼曰聽赦詔賊羅跪餉舟得達五月圍饒平軍於大埔南先用賊間襲蕭雪峯擒之璉窘乞撫佯許之陰勒大兵斷後急攻

遂擒璉得改元金印一顆并擒偽署閣老都督等斬  
馘千餘招其餘黨悉歸順迴軍將指程鄉偽遣家屬  
舟行若將還廣州者朝曦弛備臯謨密謀賊酋二人  
縛朝曦以獻酋叩頭聽命是夜五更朝曦就擒賊遂  
平上功嵩追論王伯宣為賊首不宜以功宥卒斬之  
臯謨不獲敘斬伯宣時臯謨哭送之明年入覲道遷  
福建左叅政嵩又嗾御史撫廣事劾之奪職歸卒於  
家年七十五所居管山有白鶴書院饒園池之勝遺  
命葬焉同邑給事鍾兆斗其門人也著烏槎幕府記

述其南征之績

兩浙名賢錄有傳

阜謨兄嘉謨銅仁府經歷

子振宗萬曆壬子舉人

吳國倫字明知本嘉興人先世謫戍興國州家焉隣家夢人以黃袱荷一囊書叩吳氏門而國倫生自幼能詩文嘉靖己酉舉於鄉庚戌成進士釋褐中書舍人尋與嚴杰改司誥救房故事中書直兩房者大率雜流閣臣隨使惟命國倫以甲科選入抗不為禮太倉王世貞歷城李攀龍以詩相倡和與臨清謝榛興化宗臣順德梁有譽長興徐中行號為六子國倫才



名籍甚世貞攀龍引與同筆研是為後七子

列朝詩集嘉靖

初有所謂八才子者晉江王慎中道思昆陵唐順之應德富順熊遇張仁慈谿陳束約之南充任瀚少海章邱李開先伯華平涼趙時春景仁丹徒呂高山甫嘉靖末王李諸人號七才子八才子之名遂為所掩然而八才子者通經史諳世務往為通儒魁士以實學聞後七子方之則瞠乎後矣焯按弘治時已有七子之目其人則北地李夢陽獻吉信陽何景明仲默武功康海德涵鄧杜王九思敬夫吳郡徐禎卿昌穀儀封王廷相子衡濟南邊與行人趙鏞謝甫夏棧貢廷實也故王李為後七子

俱選授給事中試兵科楊繼盛之死國倫倡為輓詩

六章又經紀其喪葬與嚴嵩忤因星變察在京官謫

江西按察司知事久之量移南康府推官調歸德嵩

敗起建寧府同知適宗臣督學政余曰德為副使徐  
中行知汀州皆負風雅之望一時文采互相輝映尋  
遷邵武知府隆慶改元南臺省拾遺調簡知高州倭  
犯境乘城擊却之捐俸館諸生嚴其程課三載陞貴  
州提學副使轉河南叅政神廟立入賀張居正惡其  
慢己大計以臺叅罷職所居為盜焚乃構精舍曰文  
木園家貧又賣之晚以游資買山州郭之北因湖為  
池有甌甑洞號北園賓客雜遝其門時七子者已漸  
淪沒惟世貞國倫尚存後生之游四方者常驅馳吳

楚間世貞先卒國倫自楚來哭之盡哀明年亦卒年

七十有甌甌洞稿五十四卷行世

湧幢小品吳明卿自作生穴旁為祠

題其柱曰陶元亮屬自祭之文知生知死劉伯倫荷隨行之錡且醉且醒明年登七十四方賀者履不絕於戶時語二子事小定國倫與謝榛早年相知交最

且自為誌無何遂卒

厚推榛主盟晚以攀龍與榛相誚讓亦疎榛時論少

之明史稿附李攀龍傳

今郡東門外虹橋東畔有國倫六世祖

賢忠墓集中載感舊詩其不忘故土見乎辭矣從弟

崧嘉靖丙午以永昌府保山衛軍籍中式庚戌與國

倫同第進士累官福州知府就遷本省副使崧從子

德光萬曆丁酉從孫瑞徵崇禎癸酉皆以雲南籍中式

王倭字廉甫號會泉嘉善人年少時頗恃材武嘉靖乙卯倭寇郡至王江涇居民逃匿倭家人亦出走獨倭潛身隱僻瞰倭往來及倭飽掠聚所獲貨財上道其殿者解刀溷於室中倭乘間大呼取刀殺之以首獻督臣胡宗憲奇其才欲處以裨將不受久之為諸生辛酉舉鄉試壬戌成進士授兵部主事以才選兩廣隨軍贊畫從劉燾征曾一本燾欲誅老帥王詔倭

力為解釋竟用詔擒首首以獻師還歷本部員外進

職方郎中以議馬市忤內閣高拱張居正拱方秉銓

遂出知永州府在官寬大勤恤民隱庭無滯獄乞終

養永州志服除起廬州知府廬州府志稱其別蠡安

早手稿禾涕泗步禱壇遺有聯云一炷清香向晴空

請命兩行血淚為赤子求生正酷烈間雷雨忽作俸

即淋漓陞山東副使轉湖廣右叅政分守鄖陽時鄖

撫李材與俸同榜且於郎署為同官意甚喜過家促

裝忽大病少間將行復病遂上疏乞休已而鄖變起

材聽勘而俸不與踰年改江西叅政徵入為湖廣道

御史以疾乞休俸在兵部滿九年考又有平一本之功一忤柄臣遂至出守前此無其例也居家好施予宗黨賴之

葉朝陽字文榮號日葵秀水人嘉靖壬子舉人乙丑進士初知信陽州首均田賦使豪民不得相冒為奸胥吏無所乾沒治最擢虞衡員外進本司郎中主計錢局中貴人索常例錢勿與共謀出之差理鐵冶歲有羨金悉封以還官出知常德府大盜張金者嘯聚洞庭湖以計殲其渠魁餘黨盡散去一郡晏然

常德府志

有傳遷鄖襄兵備副使調廣西就陞右叅政論降不赴  
朝陽為人廉謹恂恂若書生然遇大事畧不假借辭  
色在官精勤案牘滿前援筆立判與屠元沐鄉會同  
舉皆以清苦有志操見稱於時雪濤閣小書葉公朝  
田宅不過數百金取蔽風雨給饔飧耳有急則出酒  
器質毋錢為用計月出息償之然口未嘗言貧有古  
人風

馬

胡士相字星海平湖人父友忠年至九十九士相萬  
曆辛卯舉人甲辰進士焚餘稿星海以正月初三在  
夕夢其祖謂曰汝只買一個錢紙紙作文便中知弋陽  
矣星海如其言果中印一錢紙用未盡也

縣入為刑部主事歷員外郎郎中

明史稿陸夢龍傳四十三

日挺擊事起署印侍郎張問達令郎中胡士相員外

趙會積勞永嘉鞠之時巡城御史劉廷元主瘋癩而

士相積勞亦第云差收積薪草為李自強李萬倉等所

燬差憤赴朝聲冤誤入東宮引凡向宮殿射箭放彈

投磚石律當以斬獄辭已具而提牢主事王之寀奏

差口辭甚悉乞赦行會問士相等懼時夢龍以典試

杜門問達強之起令共事士相等不敢再鞫趣問達

具疏請旨夢龍曰已奉旨提問乃復請乎編氓須額

曰然則若何夢龍曰犯有姓無名此能捕一編氓須額

子詔耶今差所供內犯有姓無名此能捕一編氓須額

曰此事何敢再訊夢龍曰他小事猶數訊今國家大

事反草草耶問達以為然明日趣速訊士相永嘉猶

執不可比會訊士相聞供二豎名并小爺語躊躇不

敢下筆郎中馬德澧趣之永嘉復堅持不可夢龍喟

然曰陸員外不肯匿丁父憂起補郎中分治張秋河



道專理北河河性善潰汶濟諸泉易枯涸士相往來  
經營清復水櫃疏源滌流堅築隄防為先後最白蓮  
賊起士相固守城賴以全遷江西左叅政尋進廣西  
按察使未赴丁內艱卒於家士相訊梃擊獄主瘋癲  
與劉廷元比然性恬退在江西日媚璫者紛紛建祠  
獨謝不與故免於議觀紹高紹安紹寧皆其裔也

計元勛字明葵嘉善人萬曆丙午舉人丁未進士知  
龍溪縣卓異乞間授南驗封主事遷本司郎中在留  
都十年不調請急省其父遂居憂起北儀制移南考

功出為山東右叅政分守濟南撫恤凋瘵東人德之境產麟詢者將以媚璫請建生祠於濟南元勛大恚即日挂冠璫聞之怒逮赴京師未至而他司言瑞應者先至璫怒解遂罷歸

山東省志有傳

累薦不起

邱民貴字仲諤嘉興人萬曆辛卯舉人乞恩蘭谿教諭遷知長汀邑有寺田倍民田之賦民貴為平其征輸連山縣有浮糧九千餘石其令以左謫量移者上官右之比去欲以浮額折派汀屬民貴力持之事格不行忤知府論降歸

福建省志有傳

履嘉字元禮號存峯民貴子萬曆庚子舉人庚戌  
進士授銅陵知縣改商邱福藩求贍田時議以學田  
易置莊田履嘉以去就爭之用計擒左道惑衆者入  
為禮部主事丁父憂服闋補祠祭事主甲子典陝西  
鄉試陞員外出為湖廣驛傳叅議進本省副使轉四  
川叅政乞養歸母卒履嘉亦卒

鍾懋元字生甫號苞三榜姓陸桐鄉人父日新字文  
蘭鄉貢有學行授嚴州府學訓導終淳安教諭見聞紀  
桐庠沈惟藩應正貢偶跌損成疾縣學起文俱送陪  
貢生陸日新沈自揣狼狽約陸曰我當讓汝言訖淚

如兩陸曰兄疾尚可瘳何遽讓我值洪宗師考陸生  
扶掖至案前稟云沈生昨日投文偶跌損正在調治  
試畢得貢後漸愈選縉雲訓導數歲歸結為婚姻縣  
以事聞陸蒙德行賞陸今任嚴州府學訓導其子懋  
元負俊才青年食懋元萬曆戊午舉人天啟乙丑進  
廩人以為善報云懋元萬曆戊午舉人天啟乙丑進  
士授行人改主客主事歷祠祭員外出為江西僉事  
陞威清副使峒徭梗化以計斬其渠魁事聞擢湖廣  
叅政拾遺降補貴州叅議改湖廣僉事一年致仕懋  
元苦心制藝入仕後每暇時坐堂皇嗒喏竟日以為  
樂崇禎甲申卒遺命墓旁勿樹碑表時國已破也  
沈胤芳字隆生號菁莪海鹽人萬曆戊午舉人崇禎

戊辰進士授屯田主事到官三日適桂府落成而棟  
崩壓宮人死督建主事同郡高道素論辟肩芳奉敕  
改建工垂成聞父喪桂王欲奏留之肩芳痛哭辭王  
哀而寢其奏服闋起營繕主事管卽慎庫出為淮海  
兵備僉事鳳陽殘破後淮泗蕭然白骨彌望肩芳勞  
來安集之漕運侍郎朱大典喜揮霍肩芳以民心不  
固一切濟以鎮靜漕輓行期大典奏遷淮海道鄭二  
陽補漕運道上以肩芳代之加叅政管漕儲經本郡  
秋毫無擾壬午漕軍譁秀水知縣李向中被毆幾死

肩芳力請誅之斬倡亂者五人歸年八十三卒

唐正德嘉興魏塘人今隸嘉善洪武中以人材授陝西布政司理問陞本司參議

李文榮嘉興人洪武末以貢知萬安縣

嘉善志作吉安

入

為北平行太僕丞以事謫戍京衛太宗欲察人情向背時巡郡國文榮上言京城空虛恐生不測守禦不可不嚴監國是之悉錄京城丁壯防守命文榮統之既而回鑾大喜知計出文榮召見命授京秩偶無缺即擢福建右叅議

嘉善志作江西

賜奉天征討鐵牌一面

命部內寇發隨以兵誅勦入覲賜襲衣引年歸

舊志別有

李文雄者犯大辟太宗誤以為文榮命宥之法官執其非是太宗終不忍誅竟免死仍命就榮家謝之時文榮已死乃造家設祭見其子孫生計蕭條古

琴一張至以為豕圈乃以白金五兩易之而去

金禮字敬之號竹溪秀水人景泰癸酉舉人甲戌進

士授南驗封主事歷考功員外轉刑部廣西司郎中

出為雲南叅議奉檄征鐵索橋苦竹箐諸蠻冒瘴深

入踰月賊平因病拘孿乞養母歸卒年七十八禮儉

約不事矜飾郡守楊繼宗雅重之每造其廬咨政事

竟日乃罷

尚綱其先嘉興人以累成睢陽衛遂為睢州人成化  
戊子中式河南鄉試己丑成進士授兵部主事歷員  
外營繕郎中出為山東左叅議弟縉

縉字美儀成化庚子舉人辛丑進士亦授職方主  
事與綱相繼出守山海關兄弟受事還調刑部孝宗  
立錄畿內擢知臨瀛江府在郡三年會與五府爭樟  
樹鎮稅課鎮稅雖歸臨江而諸郡目攝之縉抗疏乞  
休解印綬去時年四十二林居三十年著水南稿第  
縉弘治壬子舉人癸丑進士累官南刑部雲南司主



事本部湖廣司員外終湖廣左叅議

余田字舜耕號龍津崇德人嘉靖癸卯舉人庚戌進

士授禮部主事歷員外擢四川右叅議時征山賊黃

忠有督餉功余君事蹟無考惟一夕話有余進士田

曰苟者君乎湯與湯進士日新相善因戲曰湯之盤銘

卿以下必有圭者君也

卜相字夢良號起巖秀水人父鎬字宗周號岐山嘉

靖間以貢任定遠訓導青田教諭九江府教授相以

雲南叅議奉表至京道經其地鎬遂乞休與之還浙

見兩浙名賢錄相嘉靖壬子舉人壬戌進士授太平府推官

陞刑部主事歷員外隆慶改元出為湖廣兵備副使  
分巡長寶轉雲南右叅議萬曆癸酉緝獲之亂初定  
相崎嶇山谷招復流移俄報儂賊寇臨安制府討之  
失利掩敗殺良民獻俘相署按察司事開宥脅從且  
因賊為用委府判陳鳳舜往宣諭安撫陰令襲擊擒  
渠帥阿齊等以制府貪戮迄無成功更謀出海勦蓋  
甸賊倖功相抗論數百言以為棄中國而爭羈縻之  
地且未必得當是徒使生民潤膏血於野草也制府  
劾其懦不任事調簡歸卒年八十五相女適同里諸

生陶澄中負文名著晤玄詩集

王錫命字天宇號文泉秀水人嘉靖辛酉舉人壬戌  
進士初授刑部福建司主事遷員外決囚真保枉道  
回籍逾期不還部供職謫鎮江府通判稍遷南武選  
主事轉車駕員外福建僉事丁憂除河南僉事改江  
西右叅議時止年三十有六即乞終養歸錫命為人  
愿恪有至行喜折節下人平生不談人過性好吟誦  
及歸冬夏一編杜門不出者三十餘年年七十卒遺  
田百畝而已

孫從龍字化卿本吳江人以平湖籍中嘉靖乙卯舉人隆慶戊辰進士授行人三奉使歷大理左副刑部員外慮囚廣西還出知廣信府吳江郭志郡當孔道儉約費減大半學宮舊無田貧士失業為建公田給之每歲造貢紙萬餘金例扣槽戶二十之一悉革之所染擢九江叅議乞歸蔬食布袍終身不厭

王建中字維新號寰宇平湖人萬曆丙子舉人丙戌進士授行人擢刑科給事中巡視太倉轉戶科右出為福建僉事分巡漳南丁憂以考察降河東運判歷南刑部湖廣司主事郎中終雲南叅議家居後日夜

誦讀兩目皆赤